



<https://www.biodiversitylibrary.org/>

Fauna svecica : sistens animalia sveciae regni: mammalia, aves, amphibia, pisces, insecta, vermes, distributa per classes & ordines, genera & species, cum differentiis specierum, synonymis auctorum, nominibus incolarum, locis natalium, descriptionibus insectorum

Stockholmiae, Sumtu & Literis Direct. Laurentii Salvii, 1761

<https://www.biodiversitylibrary.org/bibliography/46380>

Item: <https://www.biodiversitylibrary.org/item/100333>

Article/Chapter Title: Fauna Svecica sistens Animalia Sueciæ Regni

Author(s): Linnaeus

Subject(s): Classification

Page(s): Page 186, Page 187, Page 188, Page 189, Page 190, Page 191, Page 192, Page 193, Page 194, Page 195, Page 196, Page 197, Page 198, Page 199, Page 200

Holding Institution: Smithsonian Libraries and Archives

Sponsored by: Biodiversity Heritage Library

Generated 26 May 2024 7:02 AM

<https://www.biodiversitylibrary.org/pdf4/1702905i00100333.pdf>

This page intentionally left blank.

fus est & scaber, margine caput spectante nigro. *Elytra* oblonga, obtusa, planiuscula, nigra, punctis elevatis scabra, sunt hæc basi rubra, fascia transversali lineari alba duplici; quarum thoraci prior supra mediam longitudinem antrorsum flexa; altera vero fascia paullo supra apices elytrorum sita, etiam alba, sed latior, ad futuram longitudinalem antrorsum flexa. Capite subrotundo a reliquis differt. Durities insecti, pedum tenacitas, unguium antennarumque insertio, mordendique conatus irritus evincunt affinitatem cum curculionibus.

642. ATTELABUS *mollis* griseus pubescens, elytris fasciis tribus pallidis.

Habitat in Lucis.

DESCR. Caput ferrugineum. Thorax niger, villosus. *Elytra* nigra, flexilia: fasciis 3 pallidis: quarum prima ad basin, tertia in apice. Abdomen rubrum. Pedes pallidi geniculis nigris. Totus subpilosus est.

643. ATTELABUS *Ceramboides* ater, elytris rugosis.

Habitat in Sylvis.

DESCR. Corpus magnitudine Scar. stercorarii. *Elytra* rugosa & variolosa. Antennæ clavatæ, moniliformes. Pedes clavati; postici apice appendiculati 4, unguiculo.

644. ATTELABUS *Buprestoides* ater, elytris nervosis, thorace subgloboso.

Buprestis ater. Fn. 554.

Act. upf. 1736. p. 19. n. 2. Attelabus ater maximus cylindraceus, pectore crassiusculo: ore forficato.

Frisch. germ. 13. p. 23. t. 19. Scarabæus arboreus, collo crasso.

Habitat inter quisquillas locis siccis.

DESCR. Hoc insectum singulare; an hujus generis, vix certo constat; differt enim facies, locus, notæ plurimæ. Os enim longa forfice & acuta cum unico a latere interiore denticulo. Corpus totum atrum est, punctisque minimis excavatum. Antennæ filiformes sunt, crassiusculæ, breves, nec thorace longiores. Thorax nullo modo marginatus; antice & postice, ubi articulatur, pili minutissimi rufi. Caput extra thoracem prominet; femorum posteriorum par spatium a reliquis magis remotum est, quam in ullo e nostris nobis notis insectis. Caput cum thorace fere attingit longitudinem elytrorum. *Elytra* singula duabus tribusve striis elevatis notantur.

Cerambyx.

645. CERAMBYX *planatus* thorace marginato scabro antice dentato, corpore nigro, antennis pedibusque ferrugineis.

Habitat in Suecia.

DESCR. Magnitudo dupla pediculi. Corpus depressum. Antennæ piceæ, longi-

longitudine fere corporis. *Thorax* margine utrinque scabro & antice mucronato. *Elytra* opaca, striata, stria laterali elevata. *Pedes* ferruginei.

646. CERAMBYX *Faber* thorace marginato utrinque unidentato rugoso, elytris piceis.

Frisch. inf. 13. p. t. 18. forte.

Habitat passim.

DESCR. Magnitudo C. coriarii. *Antennæ* vix corporis longitudine. *Thorax* punctis excavatis rugosus, ut totum corpus nigrum. *Elytra* non striata.

647. CERAMBYX *coriarius* thorace marginato-dentato, corpore piceo, elytris mucronatis, antennis corpore brevioribus.

Cerambyx niger, thorace planiusculo: margine utrinque tridentato, coleopteris piceis. *Fn.* 480.

Frisch. germ. 13. p. 15. t. 9. Cerambyx niger, antennis ferratis.

Raj. inf. 95. Cerambyx maxima, cornibus magnis articulatis & reflexis.

Habitat ad *Medevi* acidulas.

DESCR. Corpore maximo, antennis longiore, planiusculo; facies ferme *Scarabæi* tridentati.

648. CERAMBYX *meridianus* thorace spinoso, elytris fastigiatis fusco s. antice subtestaceis, pectore nitente.

Leptura meridiana. *Syst. nat.* 10. p. 398. n. 7.

Habitat passim.

DESCR. *Femina* tota nigricans. *MAS* Pectore, Abdomine, Pedibus, exceptis geniculis nigris, testaceus. *Elytra* subtestacea, apice nigra. *Thorax* parce spinosus, etiam abdomen certo situ aureo resplendentia.

649. CERAMBYX *lamed* thorace spinosa pubescente, elytris fastigiatis lividis: fascia obscura longitudinali flexuosa, antennis brevioribus.

Leptura nigra, elytris nigricante lividoque variis. *Fn.* 498.

Habitat in *Roslagia*.

DESCR. Magna. *Elytra* livida basi & medio extrorsum livido, reliquo nigricante, s. fasciæ duæ latæ obliquæ fuscæ. *Corpus* totum nigrum. *Thorax* utrinque spinosus.

650. CERAMBYX *nebulosus* thorace spinoso, elytris subfastigiatis: punctis fasciisque nigris, antennis longioribus.

Cerambyx cinereus, elytris punctis nigris fasciæque nigra, antennis corpore sesquilongioribus. *Fn.* 483. *It. gotl.*

273.

Habitat in Gotlandia ad fodinas *Burvicenses*.

DESCR.

DESCR. Hic inter minores omnino numerandus est. *Caput* nigricans. *Antennæ* corpore sesquolongiores apice tenuissimæ: articulis singulis superne nigris inferne pallidis. *Thorax* utrinque denticulo notatus, superne cinereus punctis nigris maculatus. *Elytra* cinerea, punctis minimis excavata, non striata, præterea punctis inæqualibus nigris irrorata, densius versus basin; fascia dein nigra transversalis latiuscula in medio elytrorum.

651. *CERAMBYX hispidus* thorace spinoso, elytris subpræmorsis: punctis tribus hispidis, antennis hirtis longioribus.

Cerambyx cinereus; elytris præmorsis nigris punctis fasciaque alba, antennis corpore sesquolongioribus. *Fn.* 484. t. I. Habitat sæpe in domibus.

DESCR. Longitudo muscæ domesticæ, sed angustior. *Totus* cinereus est, punctisque nigris irroratus: striæ aliquot elevatæ in elytris, & fascia alba transversalis latiuscula in medio elytrorum, basi tamen paullo propior. *Thorax* aculeis prominulis, præsertim lateralibus. *Antennarum* articulis superne nigris, inferne cinereis. *VARIETAS* in aliis fascia albi-da cordata in parte anteriore coleopterorum; postica pars elytrorum retusa, acute præmorsa s. dentata.

652. *CERAMBYX moschatus* thorace spinoso, elytris obtusis viridibus nitentibus, femoribus muticis, antennis mediocribus.

Cerambyx viridi-cærulescens, antennis corpus subæquantibus. *Fn.* 478.

Act. ups. 1736. p. 120. n. 1. *Cerambyx* viridi-æneus.

Mouff. lat. p. 133. f. ult. *Cerambyx* tertius. p. 134.

List. loqu. p. 384. n. 11. *Scarabæus* magnus suaviter olens.

Raj. ins. p. 81. n. 17. *Scarabæus* Capricornus dictus major viridis odoratus.

Frisch. germ. 13. p. 17. t. II. *Scarabæus* arboreus cæruleo-viridis.

Habitat in Salice, odorem spargens gratum & fragrantissimum.

DESCR. Quoad ipsum corpus inter nostras maxima est hæc species; *Totus* cæruleo-viridis aureo nitens. *Abdomen* supra cæruleum. *Alæ* nigrae. *Pedes* colore cum reliquo corpore conveniunt; pedum tarsi subtus villosi, glauci; *Tibia* terminatur spina. *Thorax* utrinque mucrone gaudet, intra hos mucrones tria tubercula paullo minora, elytris propiora, & nonnulla alia tubercula adhuc minora antè. *Elytra* minutissimis rugis, fibrisque tribus longitudinalibus parum elevatis notata, oblongo lanceolata, flexilia. *Antennæ* vix longitudinem corporis attingunt, harum articuli per gradus versus extremitatem breviores sunt, contrario ac in reliquis modo.

653. *CERAMBYX ædilis* thorace spinoso: punctis quatuor luteis, elytris obtusis nebulosis, antennis longissimis.

Ceram-

Cerambyx nebulosus, antennis corpore longioribus, thoracis punctis quaternis luteis. *Fn.* 479.

Mouff. lat. in appendice tab. penult. (Mas.)

p. 151. *f.* 2. Scarabæus VII. ex Russia.

Pet. gaz. 14. *t.* 8. *f.* 8. Capricornus rufficus cinereus, cornubus longissimis.

Frisch. germ. 13. *p.* 18. *t.* 12. Scarabæus arboreus, antennis longissimis.

Act. ups. 1736. *p.* 120. *n.* 2. & 3. Cerambyx fuscus, antennis corpore quater longioribus.

It. æl. 8. Cerambyx nebulosus &c. ut supra.

Smolandis Timberman.

Habitat frequens in linteribus & arborum truncis decorticatis, dum ex his domos exstruunt ruricolæ, hinc pueris nostris dicitur Timberman, i. e. Aedilis; omnibus notissima species: vulgus hunc lædere religioni apud nos ducit.

DESCR. Pollicem transversum longum est corpus, totum cinereum. *Elytra* obtusa, pilis minutissimis adspersa, inter quos pilos tubercula seu puncta minutissima prominent confertissima; umbra nigricans coleoptera transversum ambit versus posteriora in medio curvata. *Thorax* etiam cinereus, mucrone utrinque prominulo, & punctis quatuor luteis transversalibus a tergo. *Oculi* nigri, punctum pone antennis nigrum. *Antennæ* ipso corpore quintuplo longiores, ex 10 articulis cinereis, versus apicem nigris, quo capiti propiores, eo breviores. *Alæ* nigricantes, venis fuscis.

Fæmina ano prominet; huic antennæ ipso corpore triplo longiores; maris autem cornua quintuplo vel sextuplo corpore longiora.

654. CERAMBYX *alpinus* thorace spinoso, coleoptris obtusis: fascia maculisque quatuor atris, antennis longis.

Cerambyx subcærulefcens, fascia maculisque quatuor nigris.

It. scan. 260. *

Habitat in Scania, Blekingia.

655. CERAMBYX *Sutor* thorace spinoso, elytris obtusis atris subnebulosis, scutello pallido, antennis longissimis.

Cerambyx ater, elytris punctatis maculis pallidis sparsis; antennis corpore longioribus, thorace spinoso. *Fn.* 482.

Habitat in sylvis.

DESCR. magnus & ater est. *Oculi* nigri pone antennis excurrentes. *Thorax* utrinque angulo majori armatur; macula ferruginea ad basin elytrorum introrsum. *Thorax* & *Elytra* atra punctis sparsis fere contiguis excavatis (nudo oculo manifestis). Puncta flava, sparsa super thoracem & elytra. *Mas* antennis nigris triplo aut quadruplo corpore longioribus; *Fæmina* antennis corpore sesquialongioribus nigris, articulis singulis versus basin cinereis.

656. CERAMBYX *Textor* thorace spinoso, elytris obtusis convexis atris, antennis mediocribus.

Habitat in Sylvis.

DESCR. Corpus nigrum atomis cinereis irroratum, Maculæ ferruginæ in Pectore & Abdomine.

657. CERAMBYX *Fur* thorace spinoso gibboso, coleoptris ovatis: fascia duplici albida, antennis filiformibus mediocribus.

Cerambyx testaceus; elytrorum fascia duplici albida, thorace spinoso. *Fn.* 487.

Habitat sæpe in herbariis antiquis, ubi e foliis farinam conficit & coacervat. Destruit Musea pessimum omnium. Consumit etiam Tabacum virossimum. Arsenico cum alumine usto occiditur *Kramer*. Frequens etiam in pane sicco diutius asservato.

DESCR. Magnitudo pediculi. Corpus totum testaceum. Elytra vero saturatius colorata, super quæ fasciæ duæ albæ, quarum pectori propior in medio non cohæret, altera ano propior retrorsum in medio arcuatur seu flectitur. Abdomen ovatum & convexum admodum est. Thorax angustus mucrone utrinque prominulo; dum incedit anus terræ incumbit. Medius quasi est inter Dermestes & Cerambyces, cum caput sub collo retrahat & antennas non setaceas, sed filiformes gerat.

- 658 CERAMBYX *Cursor* thorace spinoso, elytris obtusis rufis margine lineaque nigris, antennis mediocribus.

Cerambyx rufus, coleopterorum lineis tribus nigris longitudinalibus. *Fn.* 481.

Habitat in *Smolandia, Scania, Dalekarlia*.

DESCR. Est hæc species inter maximas hujus generis. Abdomen, pedes, os, frons obscure rubra; sed abdomen pilis canis tectum. Thorax aculeis lateralibus majoribus, utrinque solitariis apice rubris; & pluribus minoribus intermediis. Inter antennas duo tubercula rubra. Elytra tuberculis elevatis scabra, villisque minimis adspersa. Elytra ad basin angulos formant, e quibus ad apicem fascia seu linea lata nigra excurrit, ut & a Scutello per utrumque elytron, secundum longitudinem futuræ; linea intermedia lata nigra usque ad apicem elytrorum.

659. CERAMBYX *inquisitor* thorace spinoso, elytris nebulosis fusco-subfasciatis, antennis brevioribus.

Cerambyx cinereus nigro-nebulosus; antennis corpore dimidio brevioribus, thorace spinoso. *Fn.* 485.

Act. ups. 1736. p. 20. n. 1. Necydalis cinereo-maculata sulcata.

- β Cerambyx cinereus, coleopterorum fasciis duabus flavis, antennis corpore dimidio brevioribus, thorace spinoso. *Fn.* 486.

Habi-

Habitat passim in Sylvis.

DESCR. Caput vellere cinereo punctisque vix conspicuis nigris sub vellere; pone oculos versus pectus nigrum; punctum pone antennas nigrum. *Antennæ* cinereæ, undecim articulis, corpore dimidio breviores, antrorsum protensæ: tibiæ ad apicem duabus spinis armantur. *Thorax* cinereus, margine laterali nigro, in cujus medio mucro niger. Linea nigricans longitudinalis thoracis in medio tergi. *Elytra* oblonga, arcta, striis tribus longitudinalibus elevatis nitidiusculis; cæteroquin nebulosa sunt elytra ob maculas nigricantes temere sparsas; (& in quibusdam fascia duplex transversa nigra lateribus testacea). Totum corpus alias cinereum, nigro nebulosum, qui cinereus color a pilis minutissimis, ad cervinum colorem accedentibus, oritur.

§ Hic antecedenti similis magnitudine, futura, facie, sed elytra, quæ magis fusca, gaudent duabus fasciis flavis adproximatis in medio elytrorum.

660. CERAMBYX *carcharias* thorace mutico cylindrico, corpore griseo nigro-punctato, antennis mediocribus.

Cerambyx griseus nigro-punctatus, thorace inermi. *Fr.* 493.

Pet. gaz. 5. t. 2. f. 1. Capricornus norvegicus nigrescens, vaginis punctatis inaculisque pallidis adspersis.

Habitat in sylvis. *Mas* cinereus. *Femina* grisea.

DESCR. Totum corpus supra & infra lana grisea l. pallide-flavescenti-cinerea vestitur, per quam puncta glabra, sparsa, conferta emergunt. *Corpus* præcedenti crassius, *maxillæ* nigræ. *Antennarum* articuli grisei, sed apicibus nigri.

661. CERAMBYX *Populneus* thorace mutico cylindrico flavo-lineato, elytris punctis quatuor flavis, antennis mediocribus.

Habitat in *Populotremula*.

662 CERAMBYX *cylindricus* thorace mutice cylindrico: linea albida, elytris fastigiatis nigris, pedibus anticis pallidis.

Roef. inf. 2. p. 21. t. 3.

Habitat intra *Coryli* lignum.

DESCR. *Corpus* minus, atrum, opacum, punctis minimis sparsis cavis. *Thorax* cylindricus linea longitudinali albida. *Antennæ* longitudine corporis. *Pedum* Tibiæ & dimidia pars femorum anterioris paris ferruginea.

663. CERAMBYX *linearis* antennis mediocribus, thorace cylindrico mutico, niger, pedibus omnibus totis luteis.

Habitat in Sylvis.

DESCR. Simillimus C. cylindrico, at duplo major, magisque niger. *Antennæ* longitudine corporis. *Pedes* toti lutei.

664. CERAMBYX *oculatus* thorace mutico cylindrico luteo: punctis duobus nigris, elytris fastigiatis linearibus nigris.
Habitat in Sylvis.

DESCR. Corpus testaceum uti abdomen & pedes. Thorax cylindricus a dorso punctis duobus nigris. Antennæ longitudine corporis.

665. CERAMBYX *ferraticornis* thorace mutico subovali, corpore lurido-fusco, antennis compressis ferratis mediocribus.

Habitat in Sylvis.

DESCR. Antennæ valde compressæ & multum ferratæ. Corpus totum pallide fuscum.

666. CERAMBYX *rusticus* thorace mutico subrotundo nudo, corpore lurido, antennis subulatis brevioribus.

Cerambyx fuscus, punctis thoracinis impressis. *Fr.* 492.

Frisch. inf. 13. p. 21. t. 14.

Habitat passim in sylvis.

DESCR. Antennæ corpore paullo breviores: Corpus lineare, fere glabrum: singula Elytra striis duabus elevatis. Abdomen ferrugineo-fuscum; a tergo duæ cavitates impressæ, excepta linea longitudinali.

667. CERAMBYX *violaceus* thorace mutico subrotundo pubescente, corpore violaceo, antennis mediocribus.

Cerambyx violaceus nitens, antennis nigris, femoribus clavatis. *Fr.* 495.

Frisch. germ. 12. p. 33. t. 3. ic. 6. f. 1. Scarabæus arbo-reus, totus violaceus.

Act. ups. 1736. p. 20. n. 4. Buprestis collari nigro: elytris æneo-cæruleis.

Habitat in hortis & sylvis.

DESCR. Totum corpus e violaceo nitens, colore aureo & sericeo superbit. Thorax & elytra punctis contiguis excavata. Antennæ corpore ferme breviores, nigræ: Femora clavata cum pedibus atra. Abdomen nigrum. Thorax elytris obscurior, ad Lepturam aliquatenus accedit. Thorax planiusculus rotundatus absque spinis ullis. Elytra pone rotundata, nec præmorfa, planiuscula.

668. CERAMBYX *striatus* thorace mutico subrotundo, corpore nigro, elytris striatis, antennis brevibus.

Habitat in Sylvis.

DESCR. Habitus præcedentis, sed Elytra non striata. Thorax orbicularis, convexus. Antennæ corpore breviores.

669. CERAMBYX *variabilis* thorace mutico subrotundo inæquali glabro, pectore anoque ferrugineo, antennis mediocribus.

Frisch. inf. 12. p. 345. t. 6. f. 3. 4.

Habi-

Habitat in Sylvis.

DESCR. Similis C. violaceo sed minor; variat colore. *Alter* violaceus; *Thorax* subferrugineus. *Pedes* ferruginei. *Femora* clava nigra. *Alter* Thorace elytrisque lividis; femoribus similibus.

670. CERAMBYX *testaceus* thorace mutico subrotundo glabro, corpore testaceo, antennis mediocribus.

Cerambyx testaceus, thorace glabro. *Fn.* 491.

Act. upf. 1736. p. 20. n. 3. Buprestis collari glabro, elytris testaceis.

Habitat in Suecia non infrequens.

DESCR. Vix a sequenti differt, nisi sola hirsutie thoracis. Antennæ longitudine corporis, uti femora & pedes testaceo-rufescentes. Thorax inæqualis, testaceus. Elytra punctis excavata, non striata, testacea.

671. CERAMBYX *curculionoides* thorace mutico: ocellis quatuor nigris elytrisque sesquialteris, antennis sublongioribus.

Habitat Calmariaë. *Ad.* Modeer.

DESCR. Magnitudo media. Corpus nebulosum, strigis flavis undulatis sparsis. *Thorax* a tergo ocellis quatuor atris itide flava: quorum anteriores majores prioribus approximati. *Elytra* singula, in medio, ocello simili, & inter hos ocello communi utrisque elytris.

672. CERAMBYX *bajulus* thorace mutico subrotundo villoso: tuberculis duobus, antennis brevibus.

Cerambyx nigricans, thorace villoso cinereo punctis duobus glabris. *Fn.* 489.

Frisch. germ. 13 p. 17. t. 10. Scarabæus arboreus, antennis parvis, collari cinereo duobus punctis.

Act. upf. 1736. p. 20. n. 1. Buprestis collari villoso, elytris cinereis.

β Cerambyx testaceus, thorace villoso cinereo: lineolis duabus glabris. *Fn.* 490.

Habitat in lignorum acervis.

DESCR. Totus niger est cum cineritie mixtura. Corpus totum scabrum vel inæquale punctis prominulis inordinatis & pilis cinereis vagis. *Thorax* vero totus hirsutus, cinereus s. niger pilis albis & duobus & tergo punctis prominulis glabris, quibus ab omnibus differt. *Antennæ* nigrae, parvæ, corpore dimidio breviores. *Oculi* in quibusdam deaurati. *Pedes* nigri; tibiæ duplici spina terminatæ; in dorso elytrorum fascia alba undulata sed obsoleta, ut vix visibilis sit. *Femora* clavata. *Elytra* flexilia; Denticuli nulli in thorace.

β Facies antecedentis, sed omnino minor. *Antennæ* corpore breviores; testaceæ. *Thorax* villosus, cinereus s. niger pilis albis: a tergo punctis duobus oblongis, glabris. *Elytra* testacea, antennis pallidiora, punctis excavata, non tamen striata. *Femora* nigra. *Oculi* aurati. *Antennæ* pilis adpersæ, tertio articulo longissimo; sæpe fascia alba obsoleta in dorso; hinc adfinitas cum præcedente summa.

673. CERAMBYX *sanguineus* thorace mutico subrotundo elytrisque sanguineis, corpore nigro, antennis mediocribus Habitat Upsaliæ If. Uddman.

DESCR. Simillimus C. bajulo, sed thorax magis depressus, ater, at thorax supra, scutellum, elytra & anus sanguinea, holosericea tomento vix conspicuo.

674. CERAMBYX *fennicus* thorace mutico subrotundo: tuberculis subferrugineo - obsoletis, elytris violaceis, antennis longiusculis.

Habitat in Finlandia.

DESCR. Thorax niger, depressiusculus, lateribus una cum pectore rufus. Abdomen nigrum apice ferrugineo. Pedes rufi: femoribus nigris.

675. CERAMBYX *undatus* thorace mutico subrotundo tuberculato, elytris fasciis duabus undulatis, antennis submediocribus.

Cerambyx niger; elytrorum fasciis duabus albis undulatis.

Fn. 488.

Act. upf. 1736. p. 20. n. 6. Cerambyx cinereus, fasciis duabus pallidis.

Habitat in quisquiliis.

DESCR. Antennæ longitudine corporis. Femora atra. Caput & thorax nigra tuberculis atergo, absque angulis lateralibus. Elytra nigra, postice pallescencia punctis excavatis, e quorum cavitatibus pilus exiurgit: duplex fascia alba transversa undulata, similiter punctis excavata.

676. CERAMBYX *castaneus* thorace mutico subrotundo, corpore nigro, elytris antennis pedibusque ferrugineis, antennis mediocribus.

Habitat in sylvis.

DESCR. Magnitudo præcedentis, sed paulo angustior. Thoracis latera rufa. Femora postica nigra. Affinis Cer. rustico, sed minor.

Leptura.

677. LEPTURA *aquatica* deaurata, antennis nigris, femoribus posticis dentatis. Fn. 509.

Frisch. germ. 12. p. 33. t. 3 ic. 6. f. 2. Scarabæus arboreus purpureo-aureus medius.

Act. upf. 1736. p. 20. n. 3. Leptura rubro-ænea.

Habitat locis humentibus, sæpe in foliis *Nymphææ* & *Caricis* obvia. Pupa sæpe radicibus *Phellandrii* adhæret subglobosa brunnea.

DESCR. Tota cupreo-aurata; capite, thorace, elytris pedibus punctis minutissimis, fere contiguis, excavatis, sed in Elytris digesta sunt puncta in 10 circiter ordines longitudinales, vix tamen inde striata sunt elytra

Ocul.

Oculi nigri. *Antennæ* fuscæ; lente inspectum egregium plane est animal; hæc præcedentibus omnibus minor. *Elytra* truncata apice dum recens sunt *Elytra* rubro ænea, lateribusque viridi-ænea; punctum nigricans pone antennas prominens. *Abdomen* a capite versus caudam visum albo-argenteum est, a cauda vero versus caput nigrum. *Femora* articulantur cum corpore singulari artificio, globo scilicet intra cavitatem recepto. *Pedes* postici reliquis duplo longiores; horum femora compressa, versus basin angustiora, versus genua, latere interiore denticulo notata. *Antennæ* admodum approximatae & basi fere contiguæ; in medio circiter *elytrorum* toveola depressa angulum elytri respiciens. *Corpus* postice angustatum.

β *Leptura* subænæo-violacea; femoribus posticis dentatis.

Raj. inf. p. 100. Cantharis arundines frequentans tertia.

Act. upf. 1736. n. 1. *Leptura* cæruleo-nigra.

n. 2. *Leptura* viridi-ænea.

Habitat ad ripas sabulosas & arenosas frequens, ut in *Nymphæa*.

DESCR. *Corpus* oblongum, glabrum, vel violaceum s. e. nigro-cærulescente-æneum, vel viridi-æneum (forte texus differentia). *Thorax* cylindræus. *Antennæ* filiformes, antrorsum directæ, nigrae. *Abdomen* cinereum, magis obscurum, a parte anteriore visum albescens. *Elytra* striata, punctorum decem circiter ordinum, excavatorum; lente visa sunt pulcherrima; apex elytrorum truncatus, niger. *Femora* postrema maxima & longitudine & crassitie, rubra, ubi crassiora nigra; hæc femora subtus uno alterove denticulo acuto, ut in chelis Cancræ.

678. LEPTURA *melanura* elytris rubescentibus lividisve, sutura apiceque nigris, thorace postice mucronato.

Leptura nigra, elytris rubescentibus lividis *Fr. 499.*

Raj. inf. p. 97. n. 6. *Cerambyx* capite, scapulis, antennis nigris, elytris flavis: extremitatibus nigris.

Act. upf. 1736. p. 20. n. 5. *Leptura* elytris testaceis, apice nigris (quæ mas).

n. 4. *Leptura* elytris rubris.

Pet. gaz. 46. t. 30. f. 5. *Capricornus* hamstad. exiguus, vaginis rubentibus apice nigro.

Habitat sat frequens in nemoribus.

DESCR. *Corpus* totum cum pedibus, antennis, omnibusque partibus, exceptis elytris, nigrum, oblongum, pone angustatum. *Thorax* absque spinis. *Abdomen* & tota infima superficies nigra quidem est, sed certo respectu ad lumen, si antè inspicatur, alba. *Elytra* attenuato-præmorsa apicis angulis utrisque acutis. Colore differunt elytra: aliis enim sunt saturate rubra absque ulla nigredine, & hæc *Feminae* sunt: aliis rubra, apice nigra ut & margine elytrorum exteriori & interiore: aliis testacea apicibus nigris & margine exteriori nigro, & hi *mares* sunt. *Elytra* infinitis punctis excavata, non tamen striata, & villis quibusdam vix conspicuis, præsertim versus posteriora, adpersa. *Thorax* & caput in quibusdam flava hirsutie adpersum. *Penis* longissimus, *Tibiæ* omnes spina terminatæ.

β *Leptura nigra*: elytris thoraceque flavescente. *Fn.* 501.
Gadd. diss. 27. *Leptura* thorace nigro nitido, elytris obsolete sordideque flavescantibus.

Habitat - - -

Hæc præcedenti minor, facie eadem, & forte sola varietas; sed *Elytra* minime rubra, verum obsolete sordideque flavescantia, versus basin angulata; nec *Abdomen* antice visum album nitidumque adparet.

679. *LEPTURA sanguinolenta* nigra, elytris sanguineis.

Habitat in Suecia.

DESCR. Similis *L. melanuræ* & *rubræ*, sed tota nigra, exceptis elytris solis & totis sanguineis.

680 *LEPTURA testacea* nigra; elytris testaceis, tibiis rufis, thorace postice rotundato.

Habitat in Europa.

DESCR. Statura *Lept. melanuræ*, sed paulo major. *Elytra* testacea, truncato-spinosa, absque nigredine ulla.

681. *LEPTURA rubra* nigra; thorace, elytris, tibiisque purpureis. *Fn.* 500.

Frisch. germ. 12. p. 37. t. 3. ic. 6. f. 6. *Scarabæus arbo-reus* major purpureo-ruber.

Habitat - - -

DESCR. *Lept. melanura* (quæ vulgaris) duplo major eique simillima. *Elytra*, *Thorax* & *Tibiæ* (sed non femora) coccinea; reliquum corpus nigrum est, & sub ventre, ante inspectum, albo lucens.

β *Leptura nigra* thorace elytrisque rufis. *De Geer.*

Habitat in Rossagia.

DESCR. Magna satis est. *Tibiæ* flavæ.

682. *LEPTURA virens* viridi-flava, antennis luteo viridique variegatis. *Fn.* 496.

List. mut. t. 18. 23?

Act. ups. 1736. p. 20. n. 6. *Leptura maxima* nigra, subtus virens.

DESCR. Inter Species hujus generis hæc maxima nobis est. Totum *Corpus* in se spectatum atrum est, sed pectus, thorax, abdomen, pedes, & maxima ex parte caput vellere e viridi-flavo tecta. *Elytra* non striata, punctis tamen minutissimis adpersa; ad basin futuræ longitudinalis elytrorum viliositas pectori concolor. *Corpus* pone adtenuatum & elytra præmorsa. Hæc species solis antennis ab omnibus nobis notis differt, quarum singuli articuli inferne lutei, superne nigri; hinc monilis instar e nigro & luteo variegatis. Variat etiam elytris viridibus, adeoque toto corpore viridi: elytrorum color luteo-viridis dependet a vellere minutissimo, quo de-raso elytra nigra sunt. *Femora* postica absque denticulo & *Thorax* absque angulis.

683. *LEPTURA sericea* viridi cærulea, elytris subfastigiatis.

Habi-

Habitat apud nos rarius.

DESCR. Corpus magnitudine Lept. aquaticæ, sed cæruleum, nitens totum. Antennæ nigræ vix corporis longitudine. Thorax quasi medius inter Lepturas & Cicindelas. Elytra punctato-striata.

684. LEPTURA *quadrinaculata* nigra, elytris lividis: maculis quatuor nigris. *Fn. 502.*

Habitat in sylvis. *R. Hast.*

DESCR. Est inter maximas. Omnia nigra, sed thorax & abdomen lana cinerea, in singulis Elytris macula una antè paulo minor, altera posterior major magis quadrata & magis saturate ferrugineo-nigra.

685. LEPTURA *interrogationis* nigra, elytris lividis: fascia longitudinali arcuata maculisque quatuor nigris.

Uddm. diss. 35. t. 1. f. 2. Leptura Lamed. mas & femina.
Habitat in Sylvis.

686. LEPTURA *sexmaculata* nigra, coleoptris testaceis: maculis sex nigris margine connexis. *Fn. 504.*

Act. upf. 1736. p. 20. n. 7. Leptura elytris testaceis, maculis nigris.

Habitat in Sylvis.

DESCR. Totum animal nigrum est omnibus partibus, sed Elytra testacea, apice truncata, nigra macula terminata; in medio macula nigra margini exteriori annexa, quadrata; juxta basin macula oblonga, angulata, margini exteriori adnexa; intra hanc versus futuram longitudinalem macula ovata, nigra, parva, interiori margini adnexa: ergo elytra testacea s. pallida margine exteriori & interiori nigro; maculæ ad apicem elytrorum clausis coleoptris conficiunt simul unicam nigram maculam; in medio duæ maculæ quadratæ margini exteriori adnexæ constituunt binas distinctas maculas; maculæ ad basin elytrorum angulatæ & parum sinuatæ, margini exteriori adnexæ constituunt binas alias maculas; sed maculæ ovatæ, intra has interiori margini elytrorum adnexæ, simul coeunt in unam, adeoque sex maculæ, connexæ omnes margini elytrorum interiori nigro. Pedes spina terminati.

687. LEPTURA *quadrifasciata* nigra, elytris testaceis: fasciis quatuor nigris, thorace postice mucronato.

Leptura nigra, elytris macularum ferruginearum quatuor paribus. *Fn. 505.*

Habitat in sepibus. *Malmborg.*

DESCR. Est e maximis sui generis. Corpus totum nigrum, ut & Elytra quæ maculis ferrugineis quatuor parium insigniuntur, quarum intermediæ undulatæ sunt. Thorax postice complicatus quasi est, vel Elytra testacea, fasciis quatuor nigris undulatis transversis, ultima terminatrice,

688. LEPTURA *attenuata*, elytris fastigiatis attenuatis fulvis: fasciis quatuor nigris, pedibus testaceis, thorace postice mucronato.

Habitat in Sylvis.

DESCR. Corpus postice valde attenuatum, Caput, Thorax, Pectus nigra. Abdomen ferrugineum apice nigro. Elytra fasciis quatuor flavis, totidemque nigris.

689. LEPTURA *nigra* elytris fastigiatis, corpore nigro nitido, abdomine rufo, thorace postice mucronato.

Leptura nigra tota. *Fn* 503.

Habitat ad acidulas Medevienfes.

DESCR. Majuscula. Elytra angusta.

690. LEPTURA *virginea* thorace globoso nigro, elytris violaceis, abdomine rufo.

Cicindela elytris viridi-cærulescentibus, abdomine fulvo.

Fn. 552.

Habitat in nemoribus ad radices montium.

DESCR. Caput & Thorax cum pedibus antennisque nigra. Abdomen post pedes fulvum, Elytra viridi-cærulescentia, nitida, punctis sparsis excavata, Antennæ 10 articulis.

691. LEPTURA *collaris* thorace globoso abdomineque rubris, elytris nigris.

Cicindela atra, thorace rufo, elytris nigro-cæruleis. *Fn.* 551.

Habitat in Sylvis.

DESCR. Corpus totum atrum, glaberrimum, sed Thorax globosus ferrugineus, ut & Abdomen post pedes, a tergo flavum.

692. LEPTURA *rustica* thorace globoso tomentoso, elytris cinereis: fasciis linearibus albis undulatis.

Habitat in Sylvis rarius.

DESCR. Corpus mediæ magnitudinis, atro-cinereum, fere tomentosum. Coleoptera fascia una alterave, lineari, albida, undulata.

693. LEPTURA *mystica* thorace globoso tomentoso, elytris fusco-cinereis antice rufis: fasciis linearibus arcuatis lataque canis

Habitat in Sylvis.

DESCR. Magnitudo media, Corpus nigrum, Elytra a basi fere ad medium ferruginea: lineæ aliquot niveæ concurrent in angulum acutum ad futuram dorsalem; ante apicem fascia albida.

694. LEPTURA *detrita* thorace globoso nigricante, elytris fuscis: fasciis quatuor transversis flavis, pedibus rufis.

Uddm. diss. 31.

Habitat passim in Sylvis.

DESCR.

DESCR. *Thorax* subglobosus, fuscus annulis 2 flavis. *Elytra* subfusca basi linea obsoleta flava; dein interrupta; demum 2 latiores ad apicem; ipse apex flavus. *Pedes & Antennæ* flavæ.

695. LEPTURA *arietis* thorace globoso nigro, elytris nigris: fasciis flavis: secunda antrorsum arcuata, pedibus ferrugineis.

Leptura nigra, elytrorum lineis transversis flavis, pedibus testaceis. *Fn.* 507. *It. scan.* 183.

Raj. inf. p. 82. *n.* 22. Scarabæus medius, abdomine longo angusto, niger, lineolis & maculis luteis pulchre variegatus.

Frisch. germ. 12. *p.* 32. *t.* 5. *f.* 3.

List. mut. t. 31. *f.* 1.

loqu. p. 385. *n.* 14. Scarabæus niger, lineolis quibusdam luteis distinctus, subcroceis pedibus.

Act. ups. 1736. *p.* 20. *n.* 8. Leptura elytris nigris lineis flavis.

Habitat in pratis inter arbores, & in hortis.

DESCR. Est tota fusco-nigra, oblonga, angusta. *Thorax* margine superiore flavus est. *Scutellum* ubi elytra conjunguntur puncto flavo notatur. Ad angulos *Elytrorum* macula oblonga, transversa, in utroque elytro, quæ ambæ non coeunt: in medio elytri utriusque est linea flava, arcuata, flexura deorsum spectante, pede interiore versus futuram cum opposita fere coeunte, hinc figura arietis; intra hanc & apicem linea transversa flava cum opposita connexa; apex elytrorum flavus, ut & anus. caput, thorax & elytra villis tenuissimis tecta sunt. *Elytra* apice truncata, licet extus præ pilis vix conspicue. *Pedes* rufescentes; tibiæ spina terminatæ. *Antennæ* rufescentes, superne fuscæ. *Alæ* dum parum dehiscent elytra aurato-purpurea lucent. Lineæ 4 flavæ sub abdomine.

696. LEPTURA *arcuata* thorace globoso nigro, elytris nigris: fasciis linearibus flavis tribus retrorsum arcuatis, pedibus ferrugineis.

Frisch. inf. 12. *t.* 3. *ic.* 4. *f.* 1.

Habitat apud nos rarius.

DESCR. *Antennæ & Pedes* postici ferruginei. *Corpus* attum. *Caput* linea flava antice, & inter antennas & ad basin. *Thorax* antice linea flava & duabus in medio ad latera. *Puncta* lutea: unum *Elytris* commune ad basin; dein unum utrinque; tum unum commune majus; demum punctum cum lineola; tandem arcus in singulo elytro & dein arcus communis; ultimo apices elytrorum lunula lutea terminati.

697. LEPTURA *scalaris* thorace subrotundo, coleoptris linea suturali flava dentata punctisque flavis.

Cerambyx niger, coleopterorum fascia longitudinali flava dentata: punctis flavis. *Fn.* 494.

Fonst. inf. t. 15. Scarabæus minor 52.

Frisch. germ. 12. p. 29. t. 3. ic. 3. Scarabæus arboreus medius, elytris nigris, ornamentis flavis.

Act. ups. 1736 p. 20. n. 7. Cerambyx cinereus, fascia alba. Habitat in sylvis.

DESCR. Tota nigra est, oblonga, lævis. *Thorax* vellere flavo indutus, macula nigra, quadrata in dorso; utrinque ad latera gibbus. *Elytra* nigra, glabra, punctis minutissimis excavatis, sutura longitudinali flava, dentibus variis oppositis, quorum par primum incurvum, secundum transversum, tertium adscendens, quartum deorsum gibbum, quintum minimum, sextum ultimum adscendens per marginem exteriorem; puncta aliquot difformia, flava, in medio elytrorum. *Antennæ* corpore paulo longiores. Flavedo omnis e villis minutissimis constat.

698 LEPTURA *præusta* thorace subgloboso fusco, elytris flavis: apice nigris, pedibus quatuor pallidis.

Leptura nigra; elytris flavis, apice nigris. *Fn.* 506.

Habitat in *Scania*. *D. Leche*.

DESCR. Vix pediculo duplo major, cylindrica, nigra; *Antennæ* longitudine fere corporis. *Elytra* flava, apice nigra, obtusa & fere truncata, minus rigida, ut *Cantharidis* speciem dixissem, nisi thorax teres fuisset. Omnia subtus & totum corpus nigrum.

Cantharis.

699. CANTHARIS *Noctiluca* oblonga nigra, thorace fusco postice truncato, pectore anoque flavescente.

Cantharis fœmina aptera. *Fn.* 584.

Ald. inf. p. 492.

Column. ecphr. 1. p. 38. t. 36. Noctiluca terrestris,

Fonst. inf. p. 108. t. 14. f. 2. Cicindela Mouff.

Charl. exerc. p. 47. Cicindela.

Mouff. lat. p. 109. f. 1. mas. 2. fœmina.

Merret. pin. p. 201. Cicindela.

Wagn. helv. p. 239. Cicindela, Lampyris.

Bradl. nat. t. 26. f. 3. A. fœmina. B. mas.

Raj. inf. p. 79. Cicindela impennis f. fœmina.

p. 78. Scarabæus Lampyris sordide nigricans, corpore longo angusto f. Cicindela mas.

Dal. pharm. p. 391. Cicindela.

Suæcis Lysmask.

Habitat æstate frequens in juniperetis supra terram. *It. W:goth.*

134.

DESCR. Fœmina elytris & alis caret, constat incisuris undecim; quarum prima est thoracis clypeus incumbens, planus, marginatus, semiovatus, pone truncatus, sub quo caput minimum. *Larva & Pupa & insectum perfectum* similia, sed *larva* puncto albo ad latus cujusvis segmenti, quibus caret